



Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 11. Hi articuli a futuro Rege confirmati.

[urn:nbn:de:hbz:466:1-67326](#)

gre observet, atque ab omnibus obser- Sæc. XVII.
 vari curet, simulque cuncta gravamina A. C. 1618.
subinde emergentia in comitiis, saltem
quolibet triennio celebrandis, tollat,
Regnique negotia per Hungaros pertra-
ctet, eisque Præfecturas conferat. His
nondum contenti Protestantes, insuper
petebant, ut Judices sine Religionis di-
scrimine eligerentur, cunctisque No-
bilibus, liberis civitatibus, universis-
que Regni Ordinibus, etiam in confi-
niis Hungariæ, necnon in oppidis, &
villis Religionis exercitium ubique li-
berum relinqueretur, nec quisquam in
libero ejus usu a quopiam, aut quovis
modo turbaretur: Insuper Rex coronam
Regni ex Hungariæ Regno nunquam
aufferat, vel afferri permittat, sed in
Regia conservet, foedera cum Bohemis
observet, arces quasdam ab Austriacis
& Polonis gratis liberet, & Regnico-
lis restituat, Nobilibus vero Heiduccis
sua privilegia confirmet, seque in Re-
gni administrationem, superstite Cæsa-
re, non ingessurum spondeat.

§. XI.

Hi articuli a futuro Rege confirmati.

Priusquam Hungariæ Proceres Ferdi- Petrus de
 nando Regi hosce articulos trade- Reva Mo-
 rent, in locum Comitis Georgii Turso- narch. Hung
 cent. 7.

Sæc. XVII. nis defuncti Palatini Comitem Sigis.
A.C. 1618. mundum Forgatium subrogant, ac per

*Pannon belli
Et pac. Hist.
part. I. pag.
244.*

eum Ferdinando præscriptas porrigunt conditiones, quibus perfectis hic eisdem respondit, quod omnes hi articuli,

excepto primo & ultimo, potius eorum gravamina, quam sui electionem a Cæsare propositam respicerent; cum ergo hisce rebus sese immiscere, haud sibi integrum foret, aliunde vero de propensa has querelas tollendi voluntate Cæsarea certi essent, hinc illos monitos velit, ut ad ea, quæ Cæsar deliberanda proposuisset, progrederentur. Verum hoc responso haud contenti Protestantes, petita sua rursus urgebant, quo circa Cæsar æque ac Ferdinandus præfatos omnes articulos ratos habebant, traditis hanc in rem publicæ fidei literis. Igitur die decima sexta Maij Ferdinandus Archidux in Regem Hungariæ proclamatus, die prima Iulii a Petro Pazmanio Strigonensi Archiepiscopo coronatus est, populi jubilis, festivis ignibus, crebrisque tormentorum explosionibus per totam circum Regionem reboantibus. Absoluta tandem hac solemnitate, ac Regina pariter ibidem inuncta & coronata Ferdinandus cum Maximiliano Archiduce componendis Bohemiæ turbis operam daturus Viennam reversus est.

§. XII.